

2008 Rhif 1739 (Cy.171)

ADDYSG, CYMRU

**Rheoliadau Addysg (Y Diwrnod
Ysgol a'r Flwyddyn Ysgol) (Cymru)
(Diwygio) 2008**

NODYN ESBONIADOL

(Nid yw'r nodyn hwn yn rhan o'r Rheoliadau)

Mae Rheoliadau Addysg (Y Diwrnod Ysgol a'r Flwyddyn Ysgol) (Cymru) 2003 (O.S. 2003/3231 (Cy.311)) ("Rheoliadau 2003") yn gymwys i ysgolion a gynhelir gan awdurdodau addysg lleol ac i ysgolion arbennig (os cynhelir hwy felly ai peidio). Maent yn darparu (ymysg pethau eraill) bod diwrnod ysgol sydd fel arfer i'w rannu'n ddwy sesiwn (gydag egwyl yn y canol), a bod ysgolion (heblaw ysgolion meithrin) yn cyfarfod am o leiaf 380 o sesiynau yn ystod unrhyw flwyddyn ysgol.

Mae rheoliad 5 o Rheoliadau 2003 (fel y'u diwygiwyd gan O.S. 2006/1262 (Cy.119)) yn darparu bod hyd at bedair sesiwn ym mhob un o flynyddoedd ysgol 2006/7 a 2007/8 yn cyfrif fel sesiynau pan gyfarfu'r ysgol os cawsant eu neilltuo i ddarparu ffurfiau penodol o hyfforddiant.

Mae'r Rheoliadau hyn yn amnewid rheoliad 5 newydd yn Rheoliadau 2003 sydd, yn fras, yn darparu bod hyd at bedair sesiwn ym mhob un o flynyddoedd ysgol 2008/9 a 2009/10 yn cyfrif fel sesiynau pan gyfarfu'r ysgol os cawsant eu neilltuo i ddarparu hyfforddiant, neu baratoi a chynllunio, ar gyfer y canlynol—

- cyflwyno'r cyfnod sylfaen,
- paratoi a gweithredu cynlluniau a anelir at hwyluso disgyblion i bontio o'r cyfnod sylfaen ac o un cyfnod allweddol i gyfnod allweddol arall, a rhwng ysgolion cynradd ac ysgolion uwchradd (gan gynnwys, yn yr ail achos, y cynlluniau statudol y mae angen eu llunio o dan adran 198 o Ddeddf Addysg 2002),

- newidiadau sydd i ddod yn y Cwricwlwm Cenedlaethol, a
- cynlluniau Gweinidogion Cymru ar gyfer ymestyn opsiynau dysgu ar gyfer pobl ifanc 14-19 oed.

2008 Rhif 1739 (Cy. 171)

ADDYSG, CYMRU

**Rheoliadau Addysg (Y Diwrnod
Ysgol a'r Flwyddyn Ysgol) (Cymru)
(Diwygio) 2008**

Gwnaed *1 Gorffennaf 2008*

*Gosodwyd gerbron Cynulliad Cenedlaethol
Cymru*

3 Gorffennaf 2008

Yn dod i rym *1 Awst 2008*

Mae Gweinidogion Cymru, drwy arfer y pwerau a roddwyd i'r Ysgrifennydd Gwladol gan adrannau 551 a 569(4) a (5) o Ddeddf Addysg 1996(1) ac a freiniwyd bellach ynddynt(2), yn gwneud y Rheoliadau a ganlyn:

Enwi a chychwyn

1. Enw'r Rheoliadau hyn yw Rheoliadau Addysg (Y Diwrnod Ysgol a'r Flwyddyn Ysgol) (Cymru) (Diwygio) 2008 a deuant i rym ar 1 Awst 2008.

Diwygio Rheoliadau

2.—(1) Diwygir Rheoliadau Addysg (Y Diwrnod Ysgol a'r Flwyddyn Ysgol) (Cymru) 2003(3) fel a ganlyn.

(2) Yn rheoliad 3, yn y lle priodol yn nhrefn yr wyddor mewnosoder—

(1) 1996 p.56. Mewnosodwyd adran 551(1A) gan baragraff 39 o Atodlen 7 i Ddeddf Addysg 1997 (p.44), a diwygiwyd adran 551(2) gan baragraff 166 o Atodlen 30 ac Atodlen 31 i Ddeddf Safonau a Fframwaith Ysgolion 1998 (p.31). I gael ystyr "prescribed" a "regulations" gweler adran 579(1).

(2) Trosglwyddwyd swyddogaethau'r Ysgrifennydd Gwladol i'r Cynulliad Cenedlaethol gan Orchymyn Cynulliad Cenedlaethol Cymru (Trosglwyddo Swyddogaethau) 1999 (O.S. 1999/672) ac yna i Weinidogion Cymru gan baragraff 30 o Atodlen 11 i Ddeddf Llywodraeth Cymru 2006 (p.32).

(3) O.S. 2003/3231 (Cy.311).

“mae “cyfnod sylfaen” (“*foundation stage*”) i’w ddehongli yn unol ag adran 102 o Ddeddf Addysg 2002(1)”.

(3) Yn rheoliad 5 yn lle paragraff (1) rhodder—

“(1) Yn ddarostyngedig i baragraff (2), mae’r paragraff hwn yn gymwys i unrhyw sesiwn ysgol sy’n dod o fewn y blynyddoedd ysgol 2008-2009 a 2009-2010 a gaiff ei neilltuo (yn llwyr neu yn bennaf) i ddarparu hyfforddiant (gan gynnwys hyfforddiant a fynychir gan staff sy’n addysgu a staff nad yw’n addysgu a hyfforddiant a gynhelir ar y cyd ag ysgolion eraill), neu baratoi a chynllunio, ar gyfer y canlynol—

- (a) cyflwyno’r cyfnod sylfaen;
- (b) gweithredu cynlluniau a anelir at hwyluso disgyblion i bontio o’r cyfnod sylfaen i’r ail gyfnod allweddol ac o un cyfnod allweddol i’r un nesaf neu o ysgol gynradd i ysgol uwchradd (gan gynnwys cynlluniau o’r fath y cyfeirir atynt yn adran 198 o Ddeddf Addysg 2002 os yw Gweinidogion Cymru yn ei gwneud yn ofynnol i gorff llywodraethu’r ysgol gymryd rhan mewn llunio cynllun o’r fath neu os yw’r corff llywodraethu yn disgwyl hynny);
- (c) y newidiadau arfaethedig i Gwricwlwm Cenedlaethol Cymru;
- (ch) gweithredu’r cynigion sydd yng nghylchlythyr 37/2004 o dan y teitl “Llwybrau Dysgu 14–19” ar gyfer ymestyn ystod yr opsiynau dysgu sydd ar gael i bobl ifanc 14-19 oed (gan gynnwys datblygu rôl Anogwr Dysgu i gynorthwyo gyda dysgu pobl ifanc, a datblygu Cynllun Llwybrau Dysgu cynhwysfawr).”

Jane Hutt

Y Gweinidog dros Blant, Addysg, Dysgu Gydol Oes a Sgiliau, un o Weinidogion Cymru.

1 Gorffennaf 2008

(1) 2002 p.32. Mae O.S. 1732/2008 (Cy.169) yn pennu beth yw cyfnod y cyfnod sylfaen.